



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**R. P. Joannis Nadasi, è Societate Jesu, Annus Caelestis,  
Jesu Regi, & Mariae Reginae, Sanctorum Omnium Sacer**

Anni Caelestis Dies, & Festa Mobilia

**Nádasi, János**

**Coloniae Ubiorum, 1667**

20 Maji. 13 Kal. Junii.

[urn:nbn:de:hbz:466:1-53527](https://nbn-resolving.org/urn:nbn:de:hbz:466:1-53527)

20 Maji. 13 Kal. Junii.

Sancte Bernardine Senensis, MA-  
 RIANIS imaginibus devotissime;  
 cujus praesentia, obscena loquen-  
 tium linguas compescuit; cujus  
 colloquia, corda accendebant Deo;  
 cui Coronam Beatissimae Virginis,  
 corde attento, sanctè recitanti MA-  
 RIA adfuit, & dixit: *Bernardine,*  
*devote mi famule, multùm in hac mi-*  
*hi devotione complacui;* cui de san-  
 ctissimo JESU nomine ad concionem  
 dicenti, illustre, Solis instar, JESU  
 nomen super caput apparuit: qui  
 quas pede sicco calcasti, pallio  
 super illas expanso vectus; super  
 cujus de B. Virginis laudibus di-  
 centis caput, stella, in os tuum ra-  
 dios vibrans, conspecta est: qui ad-  
 olescenti splendido, sed lascivo, in-  
 de sacrâ fœminas oculis venanti,  
 ex vero praedixisti, eum infami  
 morte exturbandum è vitâ: super  
 cujus cadaver, in alto, stella illustris  
 apparuit. Impetra mihi JESUM So-  
 lem, & Stellam MARIAM. Ora, ut  
 et ego duobus his JESU, & MARIÆ  
 nominibus devotissimus, ita loquar  
 cum Deo, mecum, & cum proxi-  
 mo, ita JESU serviam, & MARIÆ  
 semper,

456 ANNI CÆLESTIS

semper, ut me in morte non pœnitentat vixisse. Amen.

S. Basilla Virgo regia, gladio transverberata, Martyr.

S. Baudeli M. cui benedicens Domini manus conspecta est; quo, pro fide, moriente Angeli cecinere; lac è vulneribus sanguinis loco fluxit, de tumulo laurus foliis ægros sanantibus mira excrevit.

Sancte Thalalæ, è medico Martyr, qui in mare projectus, inde prodiisti niveâ veste ornatus; ac demum, nec à feris læsus, caput pro Christo dedisti.

SS. Asteri, & Alexander, MM.

S. Aquila Martyr, pectinibus pro Christo dilaniate.

SS Anastasi, & Theodore, Episc.

S. Austregifile Ep. ab Angelo de morte admonite.

S. Plautilla, B. Flaviæ Domitillæ mater, à S. Petro Apostolo baptizata.

OMNES SANCTI, &c.  
pag. 320.

S. MARIA, quæ Sanctum tuum Andream de Chio, inter novemdiaria, hodie cœpta, eâque gravissima tormenta clamantem: Virgo MARIA, adjuva me! fortissimè roborâsti: quicquid fecero, quicquid passus fuero vi-

venti

uens, & moriens, Virgo MARIA, ad-  
juva me!

21 Maji. 12 Kal. Junii.

Sancte Hospiti, qui in altæ turris  
carcere, ferro, & scaturientibus  
corpore vermibus, plenus, orabas  
semper; qui rigidam, obtruncaturi  
te barbari, dexteram signo Crucis  
sanâsti, plurésque ad Christum ad-  
duxisti; cui morituro vermes illi  
fuère solatio, & stimulo ad amorem  
Dei. Simul verò ut anima corpus  
deseruit, simul evanüere etiam ver-  
mes. Ora, ut sciam et ego uti dolo-  
ribus, ad amorem Dei: sint dolores  
corporis mei, pretiosæ coronæ ani-  
mæ meæ. Crescant dolores, cre-  
scat Dei amor: ut sic per dolorem,  
& amorem, ita ad mortem per-  
veniam, ut locum illum, ubi nullus  
erit amor, sed æternus dolor, e-  
vadam; ad illum verò perveniam,  
ubi nullus erit dolor, sed amor æ-  
ternus. Amen.

Sancti Timothee, Poli, & Euty-  
chi, Diaconi Martyres.

Sancti Polyeucte, Victori, &  
Donate, Martyres.

Sancti Secundine, Synesi, &  
Theopompe, Martyres.

D d

Sancti